

Naib Canselor, Rektor 20 Universiti Awam Kongsi Kepakaran Bantu Masyarakat

BALIK PULAU, 19 Dis (Bernama) -- Naib-naib Canselor dan Rektor dari 20 universiti awam akan bermesyuarat di sini esok bagi berkongsi kepakaran untuk membantu meningkatkan taraf pendidikan dan kemahiran komuniti.

Naib Canselor Universiti Malaysia Perlis (UNIMAP) Prof Emeritus Datuk Dr Kamarudin Hussin berkata mesyuarat itu antara lain akan membincangkan tentang pelaksanaan ketetapan, dasar dan strategi kerajaan dalam menjayakan transformasi masyarakat Malaysia menjadi sebuah negara maju.

"Kita juga mahu membincang cara meningkatkan sumber pendapatan universiti-universiti di samping berkongsi kepakaran membantu masyarakat setempat dari segi menyalurkan sumbangan seperti barangan keperluan asas," katanya kepada Bernama di sini, hari Sabtu.

Terdahulu, beliau menghadiri perasmian Program Khidmat Masyarakat (CSR) sempena Mesyuarat Jawatankuasa Naib Canselor/Rektor (JKNC/R) Universiti Awam di Taman Negara dekat Teluk Bahang dekat sini, hari ini.

Antara Universiti Awam yang terlibat ialah Universiti Sains Malaysia (USM) selaku tuan rumah, Univesiti Malaysia Perlis (UniMAP), Universiti Malaya (UM), Universiti Kebangsaan Malaysia (UKM), Universiti Putra Malaysia (UPM), Universiti Teknologi Malaysia (UTM), Universiti Teknologi MARA (UITM) dan Universiti Islam Antarabangsa Malaysia (UIA).

Dalam ucapannya, Kamarudin berkata Skim 40 peratus digubal khusus bagi meningkatkan penyertaan anak-anak muda dari kalangan keluarga berpendapatan rendah dari kawasan pedalaman.

"Kini, universiti tidak lagi mengukur kecemerlangan seseorang pelajar dari aspek akademik semata-mata sebaliknya aspek lain seperti kemahiran komunikasi, kepimpinan, penyelesaian masalah, keusahawanan etika dan jati diri turut diukur.

"Melalui program ini, kita dapat mengeratkan lagi hubungan di antara pelajar-pelajar universiti awam, pihak kerajaan negeri, Anggota Parlimen dan komuniti setempat dan sedikit sebanyak akan memberi impak positif dalam bidang pendidikan,"katanya.

Kamarudin berkata program khidmat masyarakat di Teluk Bahang merupakan projek kedua di bawah Jawatankuasa Naib Canselor dan Rektor (JKNC/R).

Sebelum ini, Universiti Malaysia Sarawak (UNIMAS) menjadi tuan rumah bagi projek pertama dengan menumpukan kepada sumbangan teknologi solar.

Selain itu, katanya, kerajaan kini memberi fokus kepada latihan dan pendidikan teknikal dan vokasional (TVET) yang mampu menyediakan peluang pekerjaan untuk rakyat dalam jangka masa panjang.

Dikeluarkan oleh

Unit Media UniMAP

20 Public University Heads To Share Expertise On Assisting Community

BALIK PULAU, Dec 19 (Bernama) -- Public university vice-chancellors and rectors nationwide will share their expertise to help raise the standard of education and local community skills at a special meeting here.

Universiti Malaysia Perlis (UniMAP) Vice-Chancellor Prof Emeritus Datuk Dr Kamarudin Hussin said the meeting tomorrow involving vice-chancellors and rectors from 20 public universities would touch on implementing government decisions, policies and strategies to achieve the transformation of the Malaysian community into a developed nation.

"In the meeting at a hotel here, we will also discuss how to raise sources of income for universities, besides sharing expertise to helping the local community with basic necessities.

He was speaking to Bernama after opening a corporate social responsibility programme in conjunction with the Public University Vice-Chancellors and Rectors Committee (JKNC/R) meeting at the National Park near Teluk Bahang near here today.

The public universities in the 2015 Fourth JKNC/R included Universiti Sains Malaysia as host, UniMAP, Universiti Malaya, Universiti Kebangsaan Malaysia, Universiti Putra Malaysia, Universiti Teknologi Malaysia, Universiti Teknologi MARA and Universiti Islam Antarabangsa Malaysia.

The other universities involved were Universiti Malaysia Sabah, Universiti Pendidikan Sultan Idris and Universiti Pertahanan Nasional Malaysia.

Dikeluarkan oleh

Unit Media UniMAP